

KENYATAAN AKHBAR

ANUGERAH KECEMERLANGAN INDUSTRI PEMBINAAN (MCIEA 2017) DIBUKA UNTUK PENYERTAAN

Kuala Lumpur, 8 Februari: Lembaga Pembangunan Industri Pembinaan Malaysia (CIDB) mengalu-alukan lebih ramai peneraju dalam industri pembinaan untuk diiktiraf pencapaian mereka menerusi Anugerah Kecemerlangan Industri Pembinaan 2017 atau *The Malaysian Construction Industry Excellence Awards 2017* (MCIEA 2017).

Berbanding tahun 2016, pada tahun ini, CIDB menawarkan sembilan kategori berprestij untuk 21 anugerah antaranya; Anugerah Kontraktor Terbaik (kontraktor G1 hingga G6), Anugerah Projek Terbaik (untuk Projek Infrastruktur dan Projek Bangunan), Anugerah Pencapaian Antarabangsa, Anugerah Jurubina Terbaik (Kontraktor G7) dan Anugerah Individu.

Sementara empat lagi anugerah iaitu, Anugerah Keselamatan dan Kesihatan, Anugerah Binaan Hijau, Anugerah IBS dan Anugerah Inovasi yang sebelum ini disatukan di bawah Anugerah Khas telah diangkat menjadi antara kategori utama MCIEA 2017.

Anugerah CEO of the Year, Anugerah Tokoh Terkemuka atau *Prominent Player Award*, dan *Construction Leading Lady Award* masih lagi berada di bawah kategori Anugerah Individu.

Anugerah CEO of the Year adalah untuk memberi pengiktirafan kepada individu yang berjaya memacu, mengurus, mengarah dan membentuk syarikat mereka ke tahap yang lebih tinggi dan menyumbang secara signifikan kepada pembangunan industri pembinaan negara.

Anugerah Tokoh Terkemuka adalah untuk memberi pengiktirafan kepada individu yang mempunyai ciri-ciri terbaik seorang penggiat industri yang unggul dan telah menyumbang secara signifikan kepada pembangunan industri pembinaan Malaysia.

Manakala bagi Anugerah *Construction Leading Lady* ia adalah untuk memberi pengiktirafan kepada individu wanita yang mempunyai ciri-ciri terbaik seorang penggiat

industri yang unggul dan telah menyumbang secara signifikan kepada pembangunan industri pembinaan Malaysia.

MCIEA merupakan acara tahunan bagi mengiktiraf penggiat industri yang mencapai kecemerlangan di dalam bidang pembinaan disamping menyediakan landasan bagi persaingan sihat dalam mencapai kecemerlangan menerusi penerapan amalan terbaik dalam pelaksanaan projek pembinaan.

Tahun lepas, MCIEA 2016 menerima penyertaan daripada 164 penggiat industri pembinaan di mana GAMUDA Berhad telah dinobatkan sebagai Anugerah Jurubina Terbaik.

Sementara Setia Precast Sdn Bhd, subsidiari milik penuh SP Setia Bhd, menerima Anugerah Khas untuk Sistem Pembinaan Berindustri (IBS).

Anugerah Khas Inovasi pula dimenangi syarikat kejuruteraan Sea Horse Services Sdn Bhd dan Pengarah Minconsult Sdn Bhd, Datuk Ir Rosaline Ganendra diiktiraf sebagai tokoh wanita bagi Kategori *Construction Leading Lady Award*.

Kesemua penyertaan pada tahun ini, akan dinilai oleh juri-juri professional yang dilantik menganggotai jawatankuasa penilai Anugerah MCIEA 2017.

Justeru, CIDB mengalu-alukan penggiat industri pembinaan yang berminat untuk dicalonkan dalam anugerah berprestij industri pembinaan kali ini supaya menghubungi CIDB Malaysia di talian 03-4047 7016 dan bercakap dengan Pn. Suhana Mohd Said atau 03-4047 7263 (Cik Ani Arina Misri) atau 03-4047 7022 (En. Mohd Ikbal Abdullah Sani) atau melayari laman web CIDB Malaysia di www.cidb.gov.my untuk maklumat lanjut.

Mengenai CIDB

Lembaga Pembangunan Industri Pembinaan (CIDB) ditubuhkan menerusi Akta Lembaga Pembangunan Industri Pembinaan 1994 (Akta 520) bagi membina kapasiti dan kapabiliti industri pembinaan melalui peningkatan kualiti dan produktiviti dengan memberi penekanan kepada profesionalisme, inovasi dan pengetahuan ke arah kehidupan yang berkualiti.

Untuk maklumat lanjut, sila hubungi:

Rakis Santa : rakis@cidb.gov.my 03-4047 6272 / 012-6200 360
Noryani Ismail : noryani@cidb.gov.my 03-4047 7027 / 019-285 6867